



REGLEMENT  
TIR DA CATSCHA  
INTERN  
PREMIS AMBULONTS  
*&*  
TIRS D'EXERCÉZI

# Uniun da catschadurs GREINA

## REGLAMENT TIR DA CATSCHA INTERN - PREMIS AMBULANTS E TIRES D' EXERCEZI

L' uniun da catschadurs GREINA Sumvitg organisescha sche pusseivel mintg' onn avon la catscha in "Tir da catscha intern" (il qual ha il suandont intent):

- Intent:** Promover la collegialitat denter ils catschadurs, commembres ed amitgs dall' uniun.  
Augmentar la capacitat e la segirtad da sittar sin catscha.  
Dar la pusseivladad a mintga catschadur commember da sittar en sia buis ed aschia sepreparar optimal sin la catscha.
- Participaziun:** Al Tir da catscha intern san tuts commembres e simpatisants dall' uniun separticipar.
- Program:** Il Tir da catscha intern cumpeglia las suandontas spartas da concurrenza:
- CATSCHA AULTA, schiba camutsch e cavriel
  - MISTRONZA, schiba camutsch
  - CATSCHA BASSA, lieur dubel principal e dubel da repetiziun
- Il program detagliau vegn tschentaus ensemes dalla suprastanza, ni evt. d'ina cummissiun, ella sa era integrar stés extraordinaris. Il program vegn communicaus als commembres cun l'invitaziun al Tir da catscha intern.
- Menzion:** Mintga partizipont che contonscha ils puncts stipulai el program obtegn ina menzio singula en fuorma d' ina medaglia, carta UTG, (Uniun da tir grischun) ni evt. in auter present adattau.
- Premis:** Ina concurrenza da premis sa vegnir integrada el program. Premis vegnan reparti mo a commembres dalla uniun UCG.
- Premis ambulonts:** In commember sa gudignar mo in premi ambulont per onn. El sa decider sez tgeinin.

### Catscha aulta:

Il commember cun il pli ault resultat ord il stés camutsch e cavriel ei victur dalla catsch'aulta.

En cass d' equalitat decida:

- muschas
- il meglier dubel repetiu
- diember da muschas el dubel repetiu
- vegliadetgna
- sort

### Mistronda:

Il commember cun il pli ault resultat.

En cass d' equalitat decida:

- diember da muschas
- megliera passa sin peis
- diember da muschas sin peis
- megliera passa en seser
- diember da muschas en seser
- vegliadetgna

### Catscha bassa:

Il commember che contonscha il pli ault resultat ord il sté lieur, sté principal, sté da repetiziun ei victur dalla catscha bassa.

En cass d' equalitat decida:

- il meglier principal
- la vegliadetgna

### Capotiradur:

Capotiradur daventa il commember che contonscha ord las disciplinas.

catsch'aulta e catscha bassa ensembe il pli ault resultat.  
( Dubel principal camutsch, cavriel e dubel principal catscha bassa.)

En cass d' equalitat decida:

- il meglier resultat catsch'aulta
- il meglier sté principal sin la lieur
- la vegliadetgna
- la sort

**Possess definitiv:**

Ils premis ambulonts obtegnan ils victurs per agen sch' els gudognan tals sco suonda:

- a) - treis gadas senza interrupzjün
- b) - tschun gadas cun interrupzjün
- c) - suenter vegn tirs TIR DA CATSCHA INTERN,  
il commember ch'ej inscrets las pli biaras gadas.
- d) - tier egualitat decida sté da decisjün

Per ils premis ambulonts san mo commemberas dall' uniu  
GREINA concuorer.

**Distribuziun:**

Ils premis ambulonts vegnan reparti als victurs a caschun dalla rangazjum.

**Inscripziun:**

Ils victurs ein sezs obligai da schar inscriver ils premis ambulonts e quei sin agen cuost. ( Annada, num prenum e puncts )

**Remessa:**

Ils premis ambulonts ein da remetter en bien stan all' uniu sin il di da rangazjum.

**Exercezis da sittar:**

L' uniu da catschadurs GREINA metta a disposizjuni als commembers e candidats dall'uniu il plaz ed ils stabiliments da tir a Sulagval sut la cundizjum che las prescripziuns da segirtad relaschadas dall' uniu vegnien risguardadas cumpleinamein.

**Prescripziuns:**

Las prescripziuns da segirtad ein las suandontas:

- serrar giu la punt da Sulagval encounter Surrein cun la tabla da fermada ufficiala, ch' ei deponida el stan da sittar.
- Trer si la bandiera ( tgietschen alv ) da tir al stan da sittar, la bandiera ei deponida el stan da sittar.
- Serrar la via da Sulagval - Trun sut il stan da schibas cun la tabla da fermada ch' ei deponida el stan da schibas.
- Trer si la bandiera da tir ( cotschna ) al stan da schibas, la bandiera ei deponida el stan da schibas.
- Serrar la via sil rempar encounter Encarden-punt cun las tablas da fermada, ellas ein deponidas el stan da lieurs.
- Il liug da fermada dalla via ei marcaus mintgamai cun duas petgasfier cun crutsch da pender en la cadeina.
- Igl ei ***expressivamein*** scumandau da sittar sin auters objects che sin las schibas.

### **Survigilada material:**

Il survigilader vegn elegius dall' uniun UCG. El ei responsabels per il bien uorden ed il manteniment dils edifecis ed indrezs. El procurescha per il material da schibas ed organisescha la surtargida da quellas.

Las clavs dils indrezs ein deponidas tier il survigilader. commembers che vulan far exercezis extraordinaris da sittar han da retrer las clavs dil survigilader e ston suenter haver sittau e duvravu ils indrezs metter quels en uorden e puspei returnar las clavs al survigilader.

### **Exercezis - extraordinaris:**

Per absolver exercezis extraordinaris ei il tiradur sez obligaus da far la damonda alla suprastanza communal Sumvitg. Las prescripcions da segirtad ein da risguardar tenor quest reglament.

### **Sittar en la buis avon catscha**

Quella pusseivladad vegn dada a caschun dil Tir da catscha intern, dubels d' emprova . Plinavon vegn organisau el decours dil meins d' uost ed entschatta settember treis, quater exercezis da tir per quei intent. Ils exercezis veggan publicai.

### **Candidats da catscha:**

A candidats da catscha dall' uniun GREINA metta l'uniun a disposizion ils stabiliments gratuitamein. Els veggan denton obligai d'csser accumpagnai d'in commember dall'uniun ed en mintga cass, risguardar las prescripcions da segirtad da quest reglament. Ein plirs candidats avon maun dueien els s'organisar ed ademplir ils exercezis communablamein sut survigilanza dall' uniun. Ils candidats ein obligai d' esser en possess dalla segirada encunter tiarzas persunas.

### **Candidats e commembres d' autres uniuns:**

A commembres e candidats d'autras uniuns e catschadurs dalla vischernaunca da Sumvitg ch' ein buc en l' uniun GREINA, che vulan far diever dils stabiliments da tir, ein obligai da far la damonda alla suprastanza dalla UCG. La taxa ei fixada a frs. 10.-- per exercezi.

### **Midadas da reglament:**

Midadas dil reglement pon vegnir concludidas cun 2/3 dallas vuschs dils presents e san vegnir proponidas dalla suprastanza ni commembres .

### **Approbaziun ed intrada en vigur:**

EL present reglament entra en vigur cun la prelecziun ed approbaziun dalla radunanza generala dils 19da november 1994.